

INUIT ATAQATIGIIT

Inatsisartuni



16. oktober 2017

UKA 2017/131

Inatsisartut suleriaasiat § 36 naapertorlugu matumuuna inatsisartunut oqallissiaq imattoq saqqummiuppara.

Qanoq iliornikkut Sarfaq Ittuup Ilulissat-niit kujammukarnermini inuit Kangaatsiaq-miut taakkulu eqqaamiui aqqusaarneqarsinnaalernissaat pillugu aaqqiisoqarsinnaanersoq apeqquteqaat aallaavigalugu oqallissiaq.

(Inatsisartunut ilaasortaq Villy Olsvig, Inuit Ataqatigiit)

Nunatsinni sapinngisamik innuttaasut eqaannerusumik aammalumi sillimaniarnissaq eqqarsaatiginerullugu imaatigut inunniq ilaasortaatit aqqutigalugit aaqqiisinnaanissaq suliarineqartariaqarpoq.

Sarfaq Ittuk Aasiaat-niit kujammukarnermini illoqarfik Kangaatsiaq kitaatilaanngualaarlugu ingerlasarpoq.

Kangaatsiaq-mi aammalumi eqqaamiuini innuttaasut umiarsuarmik kujammut angalassatillutik ilaatigut namminneq umiatsiat atorlugit Aasiaat-liaasarpus aammalumi arlaqarlutik Sisimiut umiatsiat atorlugit aallariartortartunik, tamannalu ajunngikkaluarluni ilaasortaatip atorluarneratigut inuaqatigiinnut isumannaannerusumik angalasinnaanerup aaqqinneqarsinnaanissaaa inatsisartuni soqutigineqarnersoq paaserusunnarpoq.

Inuaqatigiinni sutigut tamatigut ataqtigiissaarnerusumik angallannikkut aaqqiisinnaanermut periarfissiisoqartariaqarsorinarpooq, aaqqiinissarlu aningasarpassuarnik nassataqarsinnaanera takorloorneqarsinnaagunangilaq.

Inatsisartuni paaserusunnarpoq qanoq tamanna aaqqiivigineqarsinnaanersoq. Innuttaasunut angallanneq pitsaunerpaaq ujartorniarlugu.

Massakkummi Kangaatsiamit periarfissatuaasut ukuupput:

Kangaatsiaq-miit Aasiaat-nut aquuteralamik nalunaaquttap akunnera ataaseq sinnilaarlugu angalasoqarsinnaasarpoq silarsuaq kisimi naalagaalluni.

Kangaatsiaq-miit Sisimiut-nut aquuteralamik nalunaaquttap akunneri sisamat missaani kujammukartoqarsinnaasarpoq silarsuaq kisimi naalagaalluni.